



**Chronicon Monasterii Bödecensis Ordinis Canonic. Regul.
S. Augustini in Diœcesi Paderbornensi**

Probus, Johannes

Monachij, 1731

VD18 12260568

Caput LIX. De eo, qui mutuavit proximo, & viceversa donum Dei sensit.

[urn:nbn:de:hbz:466:1-64645](https://nbn-resolving.de/urn:nbn:de:hbz:466:1-64645)

peregrinum , qui salutatione facta inter cætera , quæ faciebat verba , ita ijs loquebatur : *Domini Domini mihi charissimi , peregrinus sum , ut habitus meus testatur , & singularem peregrinationem jam sum facturus , habeo autem triginta florenos penes me , rogo ut illos à me recipiatis in depositum , quod si reversus ad vos non fuero , prædicti floreni ad usus vestros permanebunt , immo donabuntur . Florenos acceperunt , & qui pridem despectus illis videbatur , ad secum prandendum invitatus , ac prandio finitò peregrinationem , quam prædixerat , abiens cæpit attentare , ut perficeret , nec post discessum suum ad prædictos Fratres est reversus . O Divinæ pietatis dispositionem ! O magnificum DEI donum ! supradicti Fratres pelliceis propter depellendum frigus indigebant , pecunijs pro his solvendis carebant , non tamen sine Divini nutûs dispositione conclusum fuit , ut pro certa & expressa pecuniarum summa , vide licet pro triginta florenis , deberent eis pellicea comparari . Nam Dominus DEUS noverat ; quomodo Fratribus firmiter in eum sperantibus voluit subvenire . Nonne crastina die de pecunijs providebat , cum quibus prædicta pellicea pensolverentur ? Miserat namque proprium suum peregrinum , prout antea dictum est , qui præcisè tot florenos apportarat , quot pro prædictis pelliceis erant exponendi . Firmum teneo atque credo , si prædicti pauperes Fratres in Dominum DEUM multùm confidentes , majorem summam eodem tempore pro suis necessitatibus ordinâssent , illam utique supradictus peregrinus apportâsset , & quis dubitaret , eundem peregrinum ad hoc divinitus ordinatum , ut adveniens paupertati Fratrum , qui circa initium reformationis prædicti Monasterij temporalium defectu premebantur , subveniret ? Quis namque in Dominum DEUM speravit , & confusus est ? Certè nullus .*

C A P U T L I X .

*De eo , qui mutuavit proximo , & viceversa donum
DE I sensit .*

Nunc dicendum restat , quid solatij , quidve Divinæ operationis supradictus devotus Prior expertus fuerit circa devotarum suarum Sororum Congregationem in Volkmaria . Accidie namque , ut humilis , ac devota Mater Sororum in Volkmaria quodam

quodam tempore necessitate eam ad hoc compellente præfatū Patrem Monasterij B. MEINULPHI visitaret, elque exponens, quod non exiguum defectum ipsa, & Sorores ejus in temporalibus necessarijs sustinent, quapropter humiliter illa eum precabatur, quatenus triginta florenos sibi concedere dignaretur, ut sic saltem necessitates, quibus premerentur, possent mitigare. Prior verò, cui non mediocris cura, & temporalium provisio ob amplam suam familiam imminebat, sibi dictos florenos concedere denegavit. At supradicta devota Mater nequaquam negationi Prioris cedens, more Cananeæ mulieris iterum atque iterum sibi hujusmodi florenos mutuari expetivit. Tandem idem Prior misericordiā, & humili petitione permotus tantum viginti florenos ipsis mutuavit ad tempus, & ecce Dominus DEUS volens prædicto Priori pietatis opus, quod mutuando perfecerat, sibi recompensare, ex sua magna pietate, & ordinatione mirabili dispositum erat, ut eadem die, qua præmemoratus Prior viginti florenos devotæ dictæ Matri mutuum dederat, supervenit quædam Sæcularis mulier, quæ eidem Priori viginti florenos contulit, & donavit dicens: quod triginta florenos debuisset apportasse, sed aliud intervenisset, propter quod reliquos decem minimè apportaret; quæ verba præfatus Prior considerans stupore, & dolore perfusus, manu validè pectus percutiens loquebatur in hæc verba: *O utinam supradictæ devotæ Matri triginta florenos concessissim, & nunc absque dubio illo hæc alia Mulier à foris superveniens triginta florenos mihi donasset.* O mirabilis sententia DEI permittentis, quod eâdem mensurâ, quâ alijs mensi fuerimus, remetietur nobis! quapropter, qui ob dilectionem Dei ausi sunt proximis in necessitatibus suis non solum necessaria mutuare, sed & donare, ut ipse eloquendò præcipit: *date, & dabitur vobis,* absque ulla dubitatio-ne mensuram condignam cum merito charitatis ab eodem recipere promerentur.

C A P U T . L X .

De oblocutore Devotarum Sororum in Volkmaria,

ET quia materia satls solatioſa supradictæ Congregationis in Volkmaria producta nunc allata fuit, audiatur & nunc quoddam satls horribile, quod cuidam Sacerdoti oblocutori, ac persecutori Sororum prædictæ Congregationis manifestè acciderit.

Erat